

Universitäts- und Landesbibliothek Tirol

De physeos apud Aristotelem notione eiusque ad animam ratione

Bonnae, 1884

Titelblatt

FBG-602
GEIWI

DE

ΩΣ APVD ARISTOTELEM NOTIONE
VSQVE AD ANIMAM RATIONE

DISSERTATIO PHILOSOPHA

QVAM

AD SVMMOS IN PHILOSOPHIA HONORES
AVCTORITATE AMPLISSIMI PHILOSOPHORVM ORDINIS
IN VNIVERSITATE FRIDERICIA GVILELMIA RHENANA
RITE IMPETRANDOS
VNA CVM SENTENTIIS CONTROVERSIIS
DIE XII. M. AVGVSTI A. MDCCCLXXXIV HORA XI¹/₂
PVBLICE DEFENDET

SCRIPTOR

IOANNES SCHMITZ

RHENANVS

ADVERSARII ERVNT

AVGVSTVS KESEBERG
ALPHONSVS LADNER
WALTHERVS FVCHS

UB INNSBRUCK



+C89674500

BONNAE

TYPIS CAROLI GEORGI VNIV. TYPOGR.
MDCCCLXXXIV

los p

UK
Paedagogisches
nar

NEVHAEVSERO MEYERO

PRAECEPTORIBVS

Ἄγαπητόν γάρ εἴτις τὰ μὲν κάλλιον λέγοι τὰ δὲ μὴ χεῖρον.

Aristot. Mtp^h, M 1. 1076^a 15.

Quo maiore studio atque industria ea Aristotelis scripta, quae ad naturales quaestiones pertinent, nostra aetate a viris doctis pervestigata et explicata sunt, eo magis mirandum videtur notionem eius rei, quae ab Aristotele φύσις appellatur, ne hodie quidem ita esse exploratam, ut omnibus ex partibus perspicua haberi possit.

Namque non solum de hac re viri docti maximo opere dissentiunt, verum etiam quae de φύσις notionem a recentioribus exposita sunt, magis mihi videntur ambigua, quam verba Aristotelis, quae explicanda erant.¹

Accedit, quod de ratione, quam inter φύσιν et ψυχὴν esse Aristoteles censuit, recentiores fere nihil, veteres interpretes Alexandro excepto ita disputant, ut suam quemque non Aristotelis sententiam persequi existimes.

Quae cum cognovissem, non ignorans, quanti momenti ad cognoscendas veterum philosophorum doctrinas esset singulas notiones adcurate perspicere, inquirere institui, quid tandem Aristoteli de φύσις placuisset.

Quod ut quam planissime patefieret, primum ei loci erant exquirendi, quibus Stagirita de φύσις vi ac notionem disserit; tum vocis notionem definita videndum erat, quatenus ei notioni id, quod in singulis rerum generibus τῇ φύσις ab Aristotele tribueretur, responderet.

Hac ratione usus, quid cognoverim aut cognovisse mihi videar, iam exponam.

¹ Haec dissertatio cum iam a me scripta esset, Hardy, vir doctissimus, librum edidit, qui inscribitur 'Der Begriff der Physis in der griech. Philosophie', in quo libro de φύσις apud Aristotelem agitur inde a p. 177 usque ad p. 215 neque vero ita, ut ea res, quae mihi ante omnia digna videbatur exploratu, melius quam usque eo inlustrata inveniat. Docendum enim est quae sit Aristotelis quidem sententia vera ac propria φύσις notio, ex qua notionem ceterae omnes eiusdem vocis significationes et oriuntur et diiudicandae sunt. In qua re explicanda, quae melius certiusque quam usque eo factum erat probavisse mihi videor, in fine libelli breviter complectar.